



INATSISARTUT

## Aalisarnermut, Piniarnermut Nunalerinermullu Naalakkersuisoq

Ulloq: 7. oktober 2013

TUAVIORTOQ

J.nr.: 01.31.11-00013

### **Aningaasaqarnermut Akileraartarnermullu Ataatsimiititaliap sisamangornermi ulloq 10. oktober 2013, nal. 12.00 ataatsimiittarfik 1-mi Naalakkersuisumik apersuinissaanut aggeqqusissut.**

2014-imi aningaasanut inatsisissatut siunnersuummut tunngasumik Aningaasaqarnermut Ataatsimiititaliap Naalakkersuisumik apersuinissaanut matumuuna aggersaasoqarpoq. Aggeqqusissuummut tunngaviuvoq 2014-imi aningaasanut inatsisissatut siunnersuummut Aningaasaqarnermut Ataatsimiititaliap apeqqutaanut Naalakkersuisut akissutaat.

Naalakkersuisumik apersuineri makku oqaluuserineqarnissaat ataatsimiititaliamit kissaatigineqarput:

#### **Apeqqut 1**

Apeqqummut tunuliaqutaasoq:

Apeqqut 3.17-imut Naalakkersuisup akissutaa allannguutitut pingaarnut tunngasoq.

Naalakkersuisumik apersuineri akineqartussatut Aningaasaqarnermut Ataatsimiititaliap apeqqutaa:

- a) Ataatsimoortumik suliniutip kingusinnerpaamik naammassereerfissaa piffissaliiffiqineqarsimanersoq paasisutissiissutigineqassasoq ataatsimiititaliamit kissaatigineqarpoq.

#### **Apeqqut 2**

Apeqqummut tunuliaqutaasoq:

Apeqqut 10.1-imut Naalakkersuisup akissutaa konto pingarneq 50.01.20-mut tunngasoq.

Naalakkersuisumik apersuineri akineqartussatut Aningaasaqarnermut Ataatsimiititaliap apeqqutaa:

- a) Puisit amii aammalu puisinniartarnej pillugit paasisitsiniaanerup ataavartunngortineqarnissaa Naalakkersuisup isumaliutigisimavaa?
- b) Ataatsimiititaliamut ilaasortat ilaat aasaq manna Great Greenlandimut takuniaagamik Great Greenlandimit paasitineqarput tuniniaasartoq ataasiinnaq suli atornerarpoq. Tamanna pillugu assigiinngitsunik oqariartortoqarnera qanoq nassuiaatissartaqarpa?

### **Apeqquut 3**

Apeqgummut tunuliaqutaasoq:

Apeqquut 10.2-mut Naalakkersuisup akissutaa konto pingaarneq 50.06.50-imut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiititaliap apeqgutaat:

- a) Aalisariutinik isaterinissamut tapiissuteqartarnermi maleruagassat Naalakkersuisumit nassuiaatigineqassasut aammalu aaqqissuussinerup qanoq annertutigisumik atugaanera paasissutissiissutigineqassasoq ataatsimiititaliamit kissaatigineqarpoq.

### **Apeqquut 4**

Apeqgummut tunuliaqutaasoq:

Toqoraaviup Neqi A/S-ip nutarternera. Aamma takuuk konto pingaarneq 51.03.04, uumasunik toqoraavimmut Neqi A/S-imut sullissinissamik isumaqatigiissuteqarnermut tunngasoq.

Naalakkersuisumik apersuinermit akineqartussatut Aningaasaqarnermut Ataatsimiititaliap apeqgutaat:

- a) Ataatsimiititaliap paasinninnera malillugu Neqi A/S-ip nutarterneqarnissaani tunngavissaatinneqarsimavoq toqoraavimmi uumasut assigiinngitsut aamma toqorarneqarsinnaanissaat, taamaalillunilu suliareqqiisarfimmik pilersitsinikkut ukioq tamakkerlugu suliffissanik amerlanerusunik pilersitsinissaq. Toqoraaviup tutunik, nersussuarnik umimmannillu neqinik suliareqqiinermi maanna ingerlataqarsinnaaneramik siunertarisaq nutarterinikkut eqquutsinneqarnerasoq paasissutissiissutigineqassasoq ataatsimiititaliamit kissaatigineqarpoq.

Naalakkersuisumik apersuinermini allanik aamma apeqquteqarnissani ataatsimiititaliap naatsorsuutigaa.

-----

Ataatsimiititaliap Naalakkersuisumik apersuinerata Naalakkersuisup ataatsimiititaliallu akornanni pingaarnersiulluni tulleriarinerit anguniakkallu pillugit naalakkersuineranut tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalakkersuisumik apersuineranut atatillugu pissarsinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalakkersuisumik apersuinerata kinguninngua uunga nassiunneqarnissaa qinnutigineqarpoq: [sakkak@ina.gl](mailto:sakkak@ina.gl). Allakkiap ataatsimiititaliap Naalakkersuisumik apersuinissaanut nassarneqarpat atorineqarpallu taasuma nuutinnera ataatsimiititaliap Naalakkersuisumik apersuinerata aallartinnerani ataatsimiititaliap oqalutnaanum ataatsimiititaliallu allatnaanum tunniuteqquneqarpoq.

Inussiarnersumik inuulluaqqusillunga



Finn Karlsen

Ataatsimiititaliap siulittaasua